



स्वयान कौके

पहुरा थारु दैनिकके अनलाइन न्यूज ओ ओकरभिट्टर डारल इ-पेपरमे देशविदेशसे हमार अनलाइन न्यूज ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ५१ वि.सं. २०८३ भदौ २० गते शनिच्चर थारु सम्वत (२६४९) [Saturday 05 September 2026] (मोल रु. ५ ।- पेज ४)

थारु समुदाय अष्टिम्की मनैलै सुदूरपश्चिममे गौरा पर्वके रौनक

पहुरा समाचारदाता

धनगढी, १९ भदौ । थारु समुदायसे शुकके रोज अष्टिम्की तिहुवार मनैले बटै ।

थारु समुदायके घरमे भगवान श्रीकृष्णसहित मानव जातीके जन्मसे मृत्युसमके क्रियाकलाप दर्शना चित्र बनाके पूजा कैटी पहिल रोज अष्टिम्की तिहुवार मनागिल हो । थारु समुदायके घर-घरमे रहल बहरीके भिटा अथवा डेहरीमे अष्टिम्कीके अवसरमे मानव जातीके जन्मसे मृत्युसम कैना क्रियाकलापके चित्रके माध्यमसे डेहना करल थारु कल्याणकरिणी सभाके केन्द्रीय उपाध्यक्ष प्रभातकुमार चौधरी बटैले ।

महिला पुरुष दुनु जाने अष्टिम्कीके अवसरमे चित्र बनैना करटै । विशेष कैके यी दिन ब्रताल महिला चित्र बनैनामे बेफुसदिला बनल रहटै । “ब्रम्ह मूहर्तमे दर खाइलपाछे घरमे रहल बहरी (बैठक) कोठामे ब्रताल थारु महिला अपने हाठसे कान्हा अर्थात भगवान श्रीकृष्णके चित्रसहित अन्य लोक चित्र बनैना करटै” उहाँ कहलै, “महिलाहुके बनाइ नैजानल ठाउँमे पुरुष जाके चित्र बनैना करटै ।” चित्र बनाइबर पछिउ ओर चन्द्रमा, पुरुबओर सूर्य, मच्छी, लट्टी, गेगटा, सँच्वा, कुकरा, खुबुवामे बैठल बन्दरा, केच्ना, खेचुहीया,



हठिया, घोख्वा, गोह, उँट, मुर्गी, मजोर, विच्छी, वासुकि नागलगायतके जलचर ओ थलचर प्राणीके चित्र बनैना करजाइड । चित्र बनैना बीच भागमे दुलही पठाइबर दुलहीहे लैजुइया डोली बोकुइया सहितके डोलीके समेत चित्रके माध्यमसे डेहना करजाइड । डेहरी ओ भिटामे इ चित्र बनैना करल उहाँ बटैले । “पहिले महिला किल अष्टिम्कीके बेला चित्र बनैना करिँट” उहाँ कहलै, “हाल पुरुष समेत चित्र बनैना

करल बाटै ।” सिलौटामे पिसल चाउर, भिटा अथवा डेहरीमे पोटलपाछे परम्परागत तरिकासे बाँसके सिँकामे कपास लगाके रंगमे दुबाके चित्र बनैना करल रलेसे फेन हाल बजारमे पैना रंग प्रयोग कैके चित्र बनैना करल उहाँके कहाइ रहल बा । सृष्टीके रचनासे मानव जातिहे बाँचक लाग आवश्यकपर्ना वस्तुबारे चित्रके माध्यमसे व्यक्त कैना हुइल ओरसे थारु समुदायके लोक चित्रकलाके

महत्व रहल बा ।

थारु समुदाय प्रकृति पुजारीके रूपमे रहल ओरसे पाँच हजार बरस आघेसे चित्र बनैना कलाके सुरुवात हुइल बताइल बा । पहिले थारु समुदाय अष्टिम्कीके बेला बनैना चित्रके लाग सिमके पटियासे हरियर, खयरसे कथ्थइ, पुँडुक बियासे लाल, सुखाइल लौका आगीमे जराके करिया रड बनैना करिट । अष्टिम्कीमे चित्रमे लौना रडगके समेत आ-अपने महत्व रहल बा । करिया रंग शून्यताके प्रतिक, लाल रंग जीवनके उमङ्गता, हरियर रडग धैर्यताके प्रतिक, पियर रंग बुद्धिमताके प्रतिक, खैयर रडग शरीरके संवेगात्मक अवस्थाके प्रतिक ओ निला रडगहे परम्परा ओ मूल्य मान्यताके प्रतिकके रूपमे लेना करजाइड । थारु संस्कृतिके जानकारीके अनुसार अष्टिम्कीके चित्रमे अत्यधिक मात्रामे ज्यामितीय स्वरूपके प्रयोग करजाइड । थारु लोक चित्रकार शिर ओ रोदनके लाग अण्डाकार शरीरके लाग घनाकार वा त्रिभुजाकार हाठ ओ गोराके लाग शंकु आकारके प्रयोग करटै । इ चित्र सरल तरिकासे आकर्षक रूपमे बनैना करजाइड । अष्टिम्कीके चित्र बनैना ओ पूजा सामग्री तयार कैना कार्य ओराइलपाछे महिला निरहार बैठके भुछ्ले पेट परम्परागत आभूषण ओ पहिरनमे सजके चाउर, फलफूल, दिया, धानक अथवा मकैक बोट, कागतीके हाँगा ओ जोडा फल लेके पूजा कैना करटै । अष्टिम्कीके रातभर जाग्राम बैठके घरके सक्कु जाने कान्हा (श्रीकृष्ण) के परम्परागत लोक भाखामे गीत गैना करटै । अष्टिम्कीके दुसरा दिन सक्करही पूजा कैके पूजा करल सामग्रीसहित चाउर सहितके दिया बारके लडिया अथवा टल्बामे असराके स्नान कैके सक्कु जाने घर अडै । घरमे बनाइल पकवानके कुछ भाग भगवानहे अर्पण कैके ब्रताल महिला भोजन ग्रहण कैना करटै ।



पहुरा समाचारदाता

धनगढी, १९ भदौ । सुदूरपश्चिम प्रदेशमे गौरा पर्वके रौनक छाइल बा । भदौ शुक्ल पञ्चमीसे आरम्भ हुइना सुदूरपश्चिमेलीहुकनके महान पर्व गौराके मुख्य दिन शुकके रोज अठवाली अथात् अष्टमी हर्षोल्लासके साथ मनागिल बा ।

दार्चुला, बैतडी, डडेल्धुरासहितके पहाडी जिल्लामे शुकके दिन गौराके पूजाआजा करके स्थानीय गौरादेवीके मन्दिरमे जात्रा लागठ मने कैलाली ओ कञ्चनपुरमे बसोबास करटी आइलके पहाडी समुदायपने गौरादेवीके मन्दिर स्थापना करल ठाउँमे जम्मा हुके पर्व मनैना करटै ।

सुदूरपश्चिमके मौलिका संस्कृतिके रूपमे रहलके गौरा पर्व भारत उत्तराखण्डके कुमाउ, गढवालमे समेत आ अपन धार्मिक ओ सांस्कृतिक मान्यता अनुसार मनैना करटै ।

गौरा पर्वमे काम विशेष ओ रोजगारीके सिलसिलामे भारत लगायतके देशमे गिलके औटलपाछे गाउँघरहे भरिभराज हुइल बटै ।

भदौ शुक्ल पञ्चमीसे आरम्भ हुइना गौराके पहिल दिन महिलाहुकनसे घरघरमे तामाके भाँडामे बिरुडा (पाँच मेरके अन्न) भिजाके गौरा पर्वके विधिवत रूपमे सुरुआत करटै ।

भदौ शुक्ल पञ्चमीके दिन महिलाहुकनसे व्रत बसी केराउ, गहत, गहुँ, मास ओ गुरीस मिसाके तामाके भाँडामे बिरुडा भिजाके पाछे गौरा पर्वके थालनी हुइठ ।

भदौ शुक्ल पञ्चमीके दिन बिरुडा भिजाके चलन रहल आइलसे सुदूरपश्चिममे इहे पञ्चमीहे बिरुडा पञ्चमीके नामसेफे चिन्ना करटै ।

भदौ शुक्ल पञ्चमीके दिन भिजाके बिरुडा ओरे दिन षष्ठीके दिन नजिकके धारा, तलाउ वा पोखरीमे लैके धुइना चलन बा । ओस्टेक सप्तमीके दिन गौरा देवीहे नजिकके मठमन्दिरमे भितर पूजा अर्चना करके विवाहित महिलाहुकनसे दुवधागो चढाइना चलन बा ।

अठवली अर्थात् अष्टमीके दिन व्रत बैठना गौरा पर्व मनैना स्थल गौरा खला (आँगन) मे पार्वती ओ शिवके पूजापाठ कैना चलन बा । (बाँकी २ पेजमे)

कञ्चनपुरसे रसुवा पुगल एक्के परिवारके तीन जाने बेपत्ता

पहुरा समाचारदाता

धनगढी, १९ भदौ । ‘मोर छावा प्रहरी बन्ना बरवर सपना सजैले रहे । दुई चो परीक्षा देहल, सफल नै हुइल । फेर एकचो फर्म भरके नाम निकरम कहे । उहे उ सपनाफे पूरा हुइ नै सकल । अब्बे छावाके लाससमेत भेटल नै हो ।’ कञ्चनपुरके कृष्णपुर नगरपालिका-३, बैभापट्टी टोलके ४२ वर्षीय फुलदेवी राना यहाँ कहुटी जोरसे रोइलीन । कुछ बेर उहाँ मौन बैठलीन । आँसु पुछलीन । १० दिनसे रोइरहलके आमाके आँखीमे अब्बे आँसु फे सुकल जस्ते देखल बा ।

उहाँके एक्के छावा केशन राना १० दिनसे सम्पर्कविहीन बटै । रसुवामे आइलके बाढपाछे उहाँ कहाँ बटै कहुटी परिवारहे पाटा नै हो । छावा लौटना आशा मनमे बा । छोराके अवस्थाबारे एक न एक दिन त कुछ खबर आइ कहुटी ओकरके प्रतीक्षामे फुलदेवीके दिन बिटटी रहल बटीन ।

बिफेक दोपहर फुलदेवीके घरमे मनैहुकन जम्मा हुइल रहिट । गाउँके छिमेकीसे कृष्णपुर नगरपालिकाके उपप्रमुख द्रोपती रानासम उहाँ पुगल रहिन । बाढपाछे केशन बेपत्ता हुइल खबर पाइलसे उहाँके घरमे ओस्टे करके मनैहुकन आइना जाइना क्रम चलटी रहल बा ।

केशन घरके एक्के छावा बटिन । ६ जानेके परिवारमे उहाँ कैमना मुख्य खम्बा रहिट । बुवा नन्दकिशोर राना, आमा फुलदेवी, १७ वर्षीय बहिनी, श्रीमती विपासा ओ डेढ वर्षीय छाड सहित उहाँके परिवार बैभापट्टीमे बैठल बटै ।

घरबासबाहेक परिवारसंगे पर्याप्त खेतीपाती कैना जमिन नै हो । टबे फुलदेवी अधियाँमे खेती करटी । कमजोर आर्थिक अवस्थाके कारण केशनसे छोटसे काम करटी पडलै । उहाँसे कक्षा १२ समकिल पढे सेकलै ।

‘मोर छावा पढाइमे माजा रहे । घरके अवस्था कमजोर हुइलके मजदुरी

करटी पढे । कक्षा १२ फे मजदुरी करटी पढल हो,’ फुलदेवी कहली, ‘१२ पाछेके पढाइहे अगे बहै नै सकल ।’

केशनके सपना भर मजदुर बनाके जीवन बिटैना नै रहे । उहाँ आमी, प्रहरी ओ कुछ सुरक्षा निकायमे जागिर खाइना सपना देखे । दुईचो फर्म भरके परीक्षाफे देहल, मने पहिल चरणमे बाहर हुगिल । ‘एक दाँत अलि उपर हुइलके कारण पहिल चरणमे बाहर हुइल, अटरा हुइलमेफे उ हिम्मत हारल नै रहे । फेर फर्म भरके परीक्षा देम, नाम निकरम कहे,’ फुलदेवी कहली । आर्थिक अवस्थाके कारण उ सपना पूरा करनाआघे परिवारके जिम्मेवारीसे उहाँहे रोजगारीओर धकेल देहल । घर बनैना मिस्त्रीके कामसे टपान मजदुरी करटी उहाँके परिवारके सहारा बनल ।

गत माघमे रोजगारीके लग उहाँ रसुवा पुगल बटै । चाइना हाइड्रोपावर २१६ मे वेल्डिङ कैना, मसला उठैना लगायतके काम करै । उहाँ वेल्डिङके काम ढेर करै । मासिक करिब ३२ हजार रुपयाँ कमाइ ओ उहे पैसासे घरके किस्ता तिर्ना ओ परिवारके खर्च चलैना करै । केशनके विवाह हुइल तीन वर्ष हुइल बा । उहाँके गोसिनिया २१ वर्षीय विपासा घरके कामसंगे डेढ वर्षीय छाइके हेरचाह करठिन । विपासा कक्षा १० सम पढल बटीन । अब्बे विपासा अपने बिरामी बटिन । कुछ समयआघे गिल परीक्षणमे उहाँहे सिकलसेल रोग देखा परल बा । उहाँसे नियमित औषधि खाइक पठिन । गाउँके स्वास्थ्य चौकीमे उपचार हुइठ । अवस्था गम्भीर हुइल धनगढी लैजाइक पर्ना बा ।

उहाँहुकनके डेढ वर्षीय छाड फे जनमसे बिरामी हुइटीरहल बटिन । पटक-पटक बिरामी हुइना ओ रोइटीरहना परिवारसे उहाँफे सिकलसेल हुइ सेकना आशंका करल बा मने, अब्बे सम केशन ओ उहाँके छाड दुनहुनके परीक्षण नै हुइल हो । गोसिया बेपत्ता हुइलपाछे विपासाके

अवस्था भन् कमजोर बनल बा । ‘पोटहिया भाटपानी छोरेले बा,’ फुलदेवी कहली, ‘अपनहे सिकलसेल बा । ओकरउपपर छोट छाइहे दुध खुवाइक पराठ । बच्ची बिरामी हुइल रोइटी रहठ । हमे का कहकै सम्भै ?’

फुलदेवीसंगे अपन मोबाइल नै हुइन । केशनसे रसुवासे उहाँके पोटहिया विपासा ओ छाइके मोबाइलमे फोन करे । कबुकबु भिडियो कल आए । (बाँकी ३ पेजमे)

सुदूरपश्चिम प्रदेशको अत्याधुनिक सुविधा सम्पन्न

Advanced Healthcare for all.

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, माइटिक, नशा तथा मेकडपड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशरोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसुति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा वङ्गारा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisarghospitalnepal.com | nisarghospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुढा सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, बेहडी, धनगढी

रसुवा बाढमे पुहल शव नवलपरासीमे व्यवस्थापन सुरु

बुटवल, १९ भदौ । रसुवामे आइल बाढमे पुगके नारायणी लडिया हुइटी नवलपरासी पश्चिम आपुगल शवके व्यवस्थापन सुरु करल बा ।

जिल्ला विपद् व्यवस्थापन समितिके निर्णयपाछे सुनवल नगरपालिका-४ स्थित मुलपानी सामुदायिक वनके कोरोना डोंडामे शव व्यवस्थापन सुरु करल हो । नवलपरासी पश्चिमके प्रमुख जिल्ला अधिकारी दीपकराज नेपाल आवश्यक मापदण्ड पूरा करके शव व्यवस्थापनके काम हुइटी रहल जानकारी डेलै ।

जिल्ला प्रहरी कार्यालय नवलपरासी पश्चिमके अनुसार सोम्मार बिहानसम नारायणी लडियासे पुहाके ल्यानल १५५ शव तथा शरीरके अंग टमान ठाउँमे फेला परल बटै ।

फेला परल शवके पहिचानके लाग परासी ओ बुटवलस्थित अस्पतालमे डीएनए परीक्षणलगायतके प्रक्रिया आधे बढाइल बा । जिल्ला प्रहरी कार्यालय नवलपरासी पश्चिमके

डीएसपी मदन थापाके अनुसार हालसम ४५ शवके व्यवस्थापन हुसेकल बा । उहाँके अनुसार पहिचानके लाग शवस डीएनए परीक्षणके नमुना संकलन तथा अन्य आवश्यक प्रक्रिया जारी बा । पहिचानके प्रक्रिया पूरा हुइलपाछे बाँकी शवके फे क्रमशः व्यवस्थापन कैना बा । ‘व्यवस्थित तरिकासे आवश्यक मापदण्ड पूरा करके शव व्यवस्थापनके काम हुइटी रहल बा,’ डीएसपी थापा कहलै ।

नवलपरासी पश्चिममे फेला परल शव सुरुमे परासीस्थित पृथ्वीचन्द्र अस्पतालमे धारल रहे । शवके संख्या बढ्ती गैलपाछे पहिचान तथा व्यवस्थापन सहज बनैना लुम्बिनी प्रादेशिक अस्पताल बुटवल, भीम अस्पताल भैरहवा ओ कपिलवस्तुके पिपरा अस्पतालमे समेत शव राखल बा ।

अस्पतालमे शव पहिचान तथा परिचय कक्ष स्थापना करके आफन्तके खोजीमे अइना व्यक्तिहे आवश्यक जानकारी उपलब्ध करैना व्यवस्था करल बा ।

सुदूरपश्चिममे गौरा...

आजके दिनहे दुर्वाष्टमीके कहठै । गौरा पर्वके मुख्य आकर्षणके रुपमे रहलके देउडामे पौराणिक कथा, देवी देवताके गाथा गाइना, चैतली, धुमरी, ढुस्के लगायतके भाकामे देउडा खेल खेल्ना चलन बा ।

देउडाके माध्यमसे समाजमे हुइल विकृति, देशके राजनीतिक अवस्था लगायतके बारेम तिखो व्यङ्ग्य करकेके करठै । ओस्टेक देउडा गीतके माध्यमसे सुख दुःख बाँड्नाके साथे सामाजिक सदभाव कायमके करठै ।

मुख्यमन्त्रीसे गौरा पर्व ओ श्रीकृष्णके शुभकामना व्यक्त

सुदूरपश्चिम प्रदेशके मुख्यमन्त्री खगराज भट्टसे गौरा पर्व ओ श्रीकृष्ण जन्माष्टमीके पावन अवसरमे स्वदेश ओ विदेशमे रहलके सम्पूर्ण सुदूरपश्चिमवासी दिदीबहिनी ओ

दाजुभाइहुकनमे सुख, शान्ति, समृद्धि, सु-स्वास्थ्य ओ उन्नोत्तर प्रगतिके हार्दिक शुभकामना व्यक्त करले बटै ।

मुख्यमन्त्री कार्यालयहे जारी शुभकामना सन्देशमे गौरा पर्वहे सुदूरपश्चिमके जनताके महान् सांस्कृतिक गौरवके पर्वके रुपमे उल्लेख करल बा । मुख्यमन्त्री भट्टसे गौरा पर्वसे मौलिक संस्कृति, परम्परा, आस्था ओ पहिचानहे जोरटी एकता, सद्भाव, आपसी प्रेम, भाइचारा ओ सामाजिक सहिष्णुताहे अनि सुदृढ बनैना महत्वपूर्ण योगदान पगैना बटैले बा ।

ओस्टेक करके, श्रीकृष्ण जन्माष्टमीसे सक्कसहे सत्य, धर्म, न्याय, प्रेम ओ सद्भावके मार्गमे आधे बहल प्रेरणा प्रदान कैना विश्वास व्यक्त करटी मुख्यमन्त्रीसे इ पावन पर्वहुकनसे सुखी, समुन्नत ओ समृद्ध सुदूरपश्चिम निर्माणके लग प्रेरणा प्रदान करना कहटी कामना करले बटै ।

दश चालक बना सबकु सैद्धांतिक तथा व्यावहारिक ज्ञान देना प्रयास हमार, सफलता अपनेके ।

सीप सिक्की, स्वरोजगार बनी विद्यार्थी ओ गुणमे अउईयाहुकनहे विशेष छुटसहित... हमार यहाँ दश प्रशिक्षकहुकनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथे फोटोग्राफीके सुविधा समेत उपलब्ध बा ।

नोट: साथे दुरसे अउईया विद्यार्थीनके लाग बैठना व्यवस्था समेत उपलब्ध बा । समयमे सबकु सिकाह विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४९६८५

पाठकवर्गसे अनुरोध

प्रिय पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिनके आवाज हमार पहिला प्राथमिकता हो । अपन मनेम लागल उकुसमुकुस बाट अपनेनके फे लिख्के पठाइ सेकि । अपनेक विचार लम्मा हुइ परठ कना नइ हो । आइ कलम पकि, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

विपतमे संवेदनशील वर्गके संरक्षण

नेपाल भौगोलिक, सामाजिक तथा जलवायुजन्य जोखिमके दृष्टिसे संवेदनशील देश हो । बाढपहिरो, भूकम्प, हिमताल विस्फोट, डढेलो, सुकखा तथा अन्य प्राकृतिक विपतके घटनासे हरेक वर्ष भारी मानवीय, आर्थिक ओ सामाजिक क्षति पुगैटि आइल बा । पाछेक वर्षमे जलवायु परिवर्तनके कारण मौसमजन्य जोखिमके प्रकृति, आवृत्ति ओ तीव्रता और जटिल बन्टि गैल बा । विपतसे समाजके सब वर्गहे ओत्रे प्रभावित करठ मने विपतके प्रभाव सबउपर समान नैरहठ । बालबालिका, किशोरी, महिला, अपांगता हुइल व्यक्ति तथा ज्येष्ठ नागरिक जस्टे संवेदनशील समूहसे विपतके समयमे तुलनात्मक रूपमे ढेर जोखिम ओ क्षति बेहोरे परल रहठ ।

शारीरिक क्षमता, उमेर, स्वास्थ्य अवस्था, सामाजिक तथा आर्थिक निर्भरता, सूचनामे पहुँच ओ सुरक्षित स्थानमे तत्काल पुगे सेक्ना क्षमताके कारण उहाँहुकनके जोखिम और बढठ । ओस्टेक विपत् व्यवस्थापनमे एक महत्वपूर्ण प्रश्न उठठ- “विपतके समयमे प्राथमिकता किहिनहे डेना ?” यकर जवाफ केवल उमेर वा लिंगके आधारमे नाइहो, जोखिम, आवश्यकता ओ तत्काल सुरक्षित हुइ सेक्ना क्षमताके आधारमे तय हुइ परठ । यिहिनसे अपनहे तत्काल सुरक्षित स्थानमे लैजाइ सेकठ, ओकर जीवन वा स्वास्थ्यमे तत्काल गम्भीर जोखिम बा, ओसिन व्यक्तिहे उद्धार ओ संरक्षणमे विशेष प्राथमिकता डेहे परठ । विशेष कैके जलवायु परिवर्तनके कारण बहके विपत् जोखिमहे ध्यानमे ढैके संवेदनशील समूहकेन्द्रित विपत् व्यवस्थापन आजके आवश्यकता हो ।

बालबालिका ओ किशोरी विपतके समयमे सबसे ढेर संवेदनशील समूहमे परठ । उहाँहुकनमे जोखिम पहिचान करना, निर्णय लेना ओ अपन सुरक्षित स्थानमे पुना क्षमता उमेर अनुसार सीमित रहे सेकि । अभिभावकसे छुट्टिना, घर तथा विद्यालय गुमैना वा अपरिचित वातावरणमे बैठेपरना अवस्थासे उहाँहुकनके जोखिम और बढाइठ । खुला ठाउँ वा अस्थायी राहत शिविरमे बैठेपरना अवस्था अइना बालबालिका तथा किशोरी यौन हिंसा, दुर्व्यवहार, शोषण तथा मानव बेचबिखनके जोखिममे परे सेकठै । परिवारसे छुट्टिना, अभिभावक गुमैना, पहिचानसम्बन्धी विवरण हरैना तथा अपरिचित व्यक्तिसे निर्भर हुइपरना, अवस्था जोखिम बहैना प्रमुख कारण हो । टबेमारे राहत शिविरमे बालबालिकाके सुरक्षा केवल परिवारके जिम्मेवारी नैहोके राज्य, स्थानीय तह, सुरक्षा निकाय ओ समुदायके साझा दायित्व बने परठ ।

विपतके समयमे खानेपानी, सुरक्षित शौचालय, सरसफाई तथा गोपनीयताके अभावसे महिनावारी सुरु हुइल किशोरीहे थप कठिनाई हुइठ । प्याड, सफा पानी, साबुन, अन्डरगार्मेन्ट तथा सुरक्षित ओ गोपनीय शौचालयके अभावसे स्वास्थ्य समस्या किल नाइकि, लज्जा, तनाव ओ सामाजिक असहजता फेन उत्पन्न करे सेकठ । टबेमारे राहत सामग्रीके योजना बनाके खाद्यान्न ओ औषधीसँग महिनावारी स्वच्छता तथा व्यक्तिगत सरसफाईके सामग्रीहे फेन अत्यावश्यक राहत सामग्रीके रूपमे समावेश करे परठ ।

आवश्यक बाह्य राहत शिविरमे बालबालिका तथा महिलाके लाग सुरक्षित ओ व्यवस्थित स्थानके व्यवस्था करना । शिविर, शौचालय तथा पानीके धारामे पर्याप्त प्रकाश ओ सुरक्षा सुनिश्चित करनाह्य बालमैत्री तथा गोपनीयता कायम हुइना शौचालयके व्यवस्था करनाह्य खाद्यान्नसँग डिगिटी किटमे प्याड, साबुन, अन्डरगार्मेन्ट तथा सरसफाई सामग्री उपलब्ध करैना । बालबालिकाके लाग सुरक्षित खेल, सिकाइ ओ मनोसामाजिक सहयोगके व्यवस्था करना । परिवारसे छुट्टल वा हेराइल बालबालिकाके तत्काल पहिचान

विपत् व्यवस्थापनमे प्रायः सबहे प्राथमिकता डेजाइठ । यी क्रममे बालबालिका, अशक्त एवं ज्येष्ठ नागरिक भावनात्मक रूपमे उपेक्षित महसुस करे सेकठै । घर, सम्पत्ति, आफन्त वा परिचित वातावरण गुमैना उहाँहुकनके लाग गहिर मानसिक पीडाके विषय रहे सेकठ । ओस्टेक अइसिन व्यक्तिसे संवाद करना, उहाँहुकनके बाट सुन्ना, परिवारसँग पुनर्मिलन करैना तथा आवश्यक मनोसामाजिक सहयोग उपलब्ध करैना व्यवस्था हुइ परठ । ज्येष्ठ नागरिकमैत्री पूर्वसूचना प्रणाली विकास करनाह्य एक्केलि रना तथा अशक्त ज्येष्ठ नागरिकके स्थानीयस्तरमे पहिचान करना । उद्धार योजनामे उहाँहुकनहे स्पष्ट प्राथमिकता डेना । राहत शिविरमे सहज पहुँच, सुरक्षित आवास ओ प्रयोग करना सजिलो शौचालयके व्यवस्था करना । नियमित औषधी तथा स्वास्थ्यसेवाके निरन्तरता सुनिश्चित करना । विशेष खानपान आवश्यक परना ज्येष्ठ नागरिकके लाग उपयुक्त भोजन उपलब्ध करैना । मानसिक ढाडस, सामाजिक संवाद ओ पारिवारिक पुनर्मिलनमे विशेष ध्यान डेना ।

विपतपाछे विद्यालय क्षतिग्रस्त हुइना वा राहत तथा उद्धार केन्द्रके रूपमे प्रयोग हुइल ओरसे बालबालिकाके पहाइ अवरुद्ध हुइठ । लम्मा समयसम शिक्षा रोकना अवस्था आइलमे विशेष कैके किशोरी विद्यालय छोरना, बालश्रममे जैना वा बालविवाहके जोखिममे परना सम्भावना बहे सेकठ । टबेमारे विपत्पाछेक पुनःस्थापनामे विद्यालय पुनःसञ्चालनहे उच्च प्राथमिकता डेहे परठ । शिक्षा विपतपाछेक अतिरिक्त सेवा नाइकि, बाल संरक्षणके महत्वपूर्ण माध्यम होह्य **मनोसामाजिक असर**

विपतके भयावह दृश्य, आफन्त गुमैनाके पीडा, घरबारविहीन हुइना, विद्यालय छुट्टिना तथा असुरक्षित वातावरणके कारण बालबालिकामे डर, त्रास, चिन्ता ओ मनोसामाजिक समस्या डेखाइ सेकठ । ओस्टेक उद्धारपाछे शारीरिक सुरक्षा किल नाइकि, मनोसामाजिक सहयोग, सुरक्षित खेल तथा सिकाइके वातावरण, बालमैत्री गतिविधि ओ आवश्यक परल विशेषज्ञ परामर्शके व्यवस्था करे परठ । विपत् व्यवस्थापनके हरेक चरणमे बालमैत्री दृष्टिकोण

करना । बाल सुरक्षा तथा परिवार खोज ओ पुनर्मिलन प्रणाली प्रभावकारी बनाइठ ।

ज्येष्ठ नागरिकके संरक्षण

उमेर ढल्कटि जाके शारीरिक क्षमता कमजोर हुइना स्वाभाविक हो मने विपतके समयमे यिहे अवस्था जीवनके लाग भारी जोखिम बने सेकठ । दृष्टि वा श्रवण क्षमता कमजोर हुइना, हिँडडुलमे कठिनाई हुइना, लाठि वा हिवलचेयरके आवश्यकता परना तथा नियमित औषधीमे निर्भर हुइना ज्येष्ठ नागरिकहे उद्धार ओ राहतमे विशेष प्राथमिकता आवश्यक बनाइठ । विपतके समयमे हुइना भागदौड, डगर अवरुद्ध हुइना, सञ्चार प्रणाली बन्द हुइना वा यातायातसेवा प्रभावित हुइनाके कारण ज्येष्ठ नागरिक सुरक्षित स्थानमे समयमे पुगे नैसेक्ना अवस्था आइ सेकि । ओस्टेक ज्येष्ठ नागरिकहे कमजोर वा भोक्कके रूपमे नाइकि, विशेष आवश्यकता रहल अधिकारसम्पन्न नागरिकके रूपमे हेरे परठ ।

जोखिमके अवस्था मूल्यांकन कैके अशक्त, एक्केलि बैठेना, हिँडडुल करना कठिनाई रहल तथा स्वास्थ्य जोखिममे

विचार डा. नम्रता पाण्डे

रहल बालबालिका ओ ज्येष्ठ नागरिक ओ अपांगता रहल व्यक्तिहे प्राथमिकतामे ढरे परठ । पूर्वसूचना प्रणाली फेन ज्येष्ठ नागरिकमैत्री हुइ परठ । केवल मोबाइल सन्देश वा इन्टरनेटमे निर्भर नैहोके साइरन, स्थानीय सञ्चार, टोलस्तरीय सूचना, स्वयंसेवक तथा प्रत्यक्ष सम्पर्कमार्फत सूचना पुगैना व्यवस्था आवश्यक बाह्य टमान ज्येष्ठ नागरिक नियमित औषधी सेवनमे निर्भर रठै ।

विपतके समयमे औषधी हेरैना, स्वास्थ्य संस्था बन्द रना वा नियमित उपचार अवरुद्ध हुइना, गम्भीर स्वास्थ्य जोखिम बने सेकठ । विपत् पूर्वतयारीमे नियमित औषधीके विवरण, स्वास्थ्य अवस्थाके अभिलेख तथा आवश्यक स्वास्थ्यसेवाके निरन्तरता सुनिश्चित करना प्रणाली विकास करे परठ । राहत तथा स्वास्थ्य टोलीसे रक्तचाप, मधुमेह, श्वासप्रश्वास, मुटुसम्बन्धी समस्या तथा अन्य दीर्घकालीन स्वास्थ्य आवश्यकताहे ध्यानमे ढरे परठ । उमेर, पाचन प्रणाली वा अन्य स्वास्थ्य अवस्थाके कारण उहाँहुकनहे नरम, सुपाच्य तथा आवश्यकता अनुसारके खाना आवश्यक परे सेकठ । ओस्टेक जार, ओसिलो, भिडभाडयुक्त वा असुरक्षित वातावरणसे स्वास्थ्य समस्या बहे सेकठ ।

एवलोपन र मानसिक स्वास्थ्य

विपत् व्यवस्थापनमे प्रायः सबहे प्राथमिकता डेजाइठ । यी क्रममे बालबालिका, अशक्त एवं ज्येष्ठ नागरिक भावनात्मक रूपमे उपेक्षित महसुस करे सेकठै । घर, सम्पत्ति, आफन्त वा परिचित वातावरण गुमैना उहाँहुकनके लाग गहिर मानसिक पीडाके विषय रहे सेकठ । ओस्टेक अइसिन व्यक्तिसे संवाद करना, उहाँहुकनके बाट सुन्ना, परिवारसँग पुनर्मिलन करैना तथा आवश्यक मनोसामाजिक सहयोग उपलब्ध करैना व्यवस्था हुइ परठ । ज्येष्ठ नागरिकमैत्री पूर्वसूचना प्रणाली विकास करनाह्य एक्केलि रना तथा अशक्त ज्येष्ठ नागरिकके स्थानीयस्तरमे पहिचान करना । उद्धार योजनामे उहाँहुकनहे स्पष्ट प्राथमिकता डेना । राहत शिविरमे सहज पहुँच, सुरक्षित आवास ओ प्रयोग करना सजिलो शौचालयके व्यवस्था करना । नियमित औषधी तथा स्वास्थ्यसेवाके निरन्तरता सुनिश्चित करना । विशेष खानपान आवश्यक परना ज्येष्ठ नागरिकके लाग उपयुक्त भोजन उपलब्ध करैना । मानसिक ढाडस, सामाजिक संवाद ओ पारिवारिक पुनर्मिलनमे विशेष ध्यान डेना ।

साभार: गोरखापत्र दैनिकसे

जरूरी टेलिफोनके प्रायोजक:

हमार यहाँ बोडलर मुर्गीनके मासु सुपथ मोलमे मिलठ । सेवा कर्ना मौका अवश्य देह्वी ।

नोट : भोजविहा, व्रतवन्धके लाग होम डेलिभरीके सुविधा बा ।

प्रो.रमेश चौधरी केभी मासु पसल

वैद्यबेहरी चौक, धनगढी कैलाली शारद उमावि लगे मो. ९८११६३३६८०

एन्जेलिन्स नम्बर ९८२४६८९६१७, ९८५८४२७०१८, ९८१४६०८०५६, ९८१४६८०००६८, ९८१४६८०००६८, ९८१४६८०००६८

प्रहरी अञ्चल प्रहरी कार्यालय ०९१- ५२१३०१ जिल्ला प्रहरी कार्यालय ०९१-५२११४०,१०० वडा प्रहरी कार्यालय ०९१-५२१२९१,११० इपिका अन्तरीया ०९१-५५०१२२

जिनगर प्रहरी चौकी ०९१-५२११८३ जिल्ला प्रहरी कार्यालय ०९१-५२११५३ इपिका मसुरिया ०९१-४०२०१४ इपिका चौमाला ०९१-६९२५७१ इपिका लम्की ०९१-५४०११९ इपिका मजनी ०९१-५८०११९ इपिका सुखड ०९१-५२११६६ इपिका मालाखेती ०९१-५५०१२२ इपिका फल्तुरे ०९१-६९०३३० इपिका हसुलिया ०९१-५२११४५ इपिका पाण्डौन १७४९०१४९०५ सिमा प्रहरी चौकी बहुलिया ०९१-५२१२०६ इपिका टीकापुर०९१-५६०११९ रा.प्र.वल सिमासुरक्षा धनगढी ५२६९२८ बैक नवजिवन बैक ०९१-५२१३२२ नवजिवन बैक ०९१-५२३६५३ कृषि विकास बैक ०९१-५२१२३५ मालिका विकास बैक०९१-५२३७३८ बैक अफ काठमाण्डौ ०९१-५२३३८६ बैक अफ एसिया ०९१-५२५६५० नेपाल बग्लादेश बैक ०९१-५२१७८५ सिटिजन बैक ०९१-५२७४८५

कुमारी बैक ०९१-५२६०३८ सनराईज बैक ०९१-५२४८५० नेपाल इन्वेसमेन्ट बैक०९१-५२३७०६ एनएमबी बैक लि.०९१-५२१२१६ सरकारी कार्यालय जिल्ला प्रशासन .०९१-५२११०१ जिल्ला विकास .०९१-५२३५६० नगरपालिका .०९१-५२१४२९ मालपोत.०९१-५२१२०१, लापी शाखा.०९१-५६०४०२ कृषि विकास .०९१-५२३२५५, भूमि सुधार.०९१-५२१२३५ जिल्ला हुलाक.०९१-५२११५२, नेपाल बाल संगठन: ५२३६६५ अस्पताल सेती अञ्चल.०९१-५२१२७१ नवजिवन ०९१- ५२१२३२/५२१७३३ विजय मेडिकल हल धनगढी ०९१-५२३४३५ पद्मा धनगढी ०९१-५५०३५५ सेवा नर्सिङ होम अन्तरीया ०९१-५५०४७७ एम्बुलेन्स मसुरिया १७४९०१८०८१ घोडाघोडी अस्पताल सुखड०९१-६९४७०७ टीकापुर अस्पताल ०९१-५६०१५० दमकल १०१ नेपाल रेडक्रस सोसाईटी ०९१-५२१३३३ कैलाली उ.बा.संघ ५२१२३७, ५२३१७१

एम्बुलेन्स : ५२१६०० सामुदायिक एम्बुलेन्स सेवा टीकापुर ९८४८५५७५४० विगत : ५२११४५ दिनेश नेटल ०९१-५२१३१२ हिल डिजिटल ०९१-५२३१९८/५२५१३१ जगदम्बा०९१-५२३५१०, विगा०९१-५२३२७३ तरुण ०९१-५२५६९३, सनलाईट०९१-५२१५३६ वर्ल्ड लिंक धनगढी : ५२०१५१ नाल्जाला०९१-५२२८३०/५२७१९० नेपाल पत्रकार महासंघ : ५२७१२२ शैक्षिक संस्था कैलाली बहुमुखी क्याम्पस ०९१-५२१२३३ सुदूरपश्चिमाञ्चल क्याम्पस ०९१-५२३१९२ हेरवर्ध बहुमुखी क्याम्पस ०९१-५२१०७९ राजनैतिक पार्टी नेपाली कांग्रेस कार्यालय : ५२११५५ नेकपा (एमाले) कार्यालय : ५२१०१० बसपार्क काउण्टर धनगढी : ०९१-५२१२५२ एफ.एम दिनेश एफ एम १३.८ मेगाहर्ट्ज धनगढी: ०९१-५२६७०१

एम्बुलेन्स : ५२१६०० सामुदायिक एम्बुलेन्स सेवा टीकापुर ९८४८५५७५४० विगत : ५२११४५ दिनेश नेटल ०९१-५२१३१२ हिल डिजिटल ०९१-५२३१९८/५२५१३१ जगदम्बा०९१-५२३५१०, विगा०९१-५२३२७३ तरुण ०९१-५२५६९३, सनलाईट०९१-५२१५३६ वर्ल्ड लिंक धनगढी : ५२०१५१ नाल्जाला०९१-५२२८३०/५२७१९० नेपाल पत्रकार महासंघ : ५२७१२२ शैक्षिक संस्था कैलाली बहुमुखी क्याम्पस ०९१-५२१२३३ सुदूरपश्चिमाञ्चल क्याम्पस ०९१-५२३१९२ हेरवर्ध बहुमुखी क्याम्पस ०९१-५२१०७९ राजनैतिक पार्टी नेपाली कांग्रेस कार्यालय : ५२११५५ नेकपा (एमाले) कार्यालय : ५२१०१० बसपार्क काउण्टर धनगढी : ०९१-५२१२५२ एफ.एम दिनेश एफ एम १३.८ मेगाहर्ट्ज धनगढी: ०९१-५२६७०१

एम्बुलेन्स : ५२१६०० सामुदायिक एम्बुलेन्स सेवा टीकापुर ९८४८५५७५४० विगत : ५२११४५ दिनेश नेटल ०९१-५२१३१२ हिल डिजिटल ०९१-५२३१९८/५२५१३१ जगदम्बा०९१-५२३५१०, विगा०९१-५२३२७३ तरुण ०९१-५२५६९३, सनलाईट०९१-५२१५३६ वर्ल्ड लिंक धनगढी : ५२०१५१ नाल्जाला०९१-५२२८३०/५२७१९० नेपाल पत्रकार महासंघ : ५२७१२२ शैक्षिक संस्था कैलाली बहुमुखी क्याम्पस ०९१-५२१२३३ सुदूरपश्चिमाञ्चल क्याम्पस ०९१-५२३१९२ हेरवर्ध बहुमुखी क्याम्पस ०९१-५२१०७९ राजनैतिक पार्टी नेपाली कांग्रेस कार्यालय : ५२११५५ नेकपा (एमाले) कार्यालय : ५२१०१० बसपार्क काउण्टर धनगढी : ०९१-५२१२५२ एफ.एम दिनेश एफ एम १३.८ मेगाहर्ट्ज धनगढी: ०९१-५२६७०१

साहित्यिक फूलारिया

गजलललिन तयानभास जॉरंडारु केल पिठो का पैठो बाबा । टुँ आपन जिउ अपनहँ खैठो बाबा । डुनिया कहाँसे कहाँ पुग स्याकल बा, टुँ उह गै-गोरुले धान डैठो बाबा । बैसाख जेठम घर छँठ और जे, टुँ भरल बरखम घर छँठो बाबा । मनै रोगी रोगले पठँ पटा बा फँ, टुँ आम्ही फारफुँक कर जैठो बाबा । दुख पिर पर्क हरेस खाइल अस, सज्जा और मैना केल गैठो बाबा । दाड	गजलसागर कुस्मी 'संगत' बाबा टुहिन चिह्नी पठाइँटुँ सहरसे केरायक समस्या जनाइँटुँ सहरसे । कबु कापी, कबु कलम ओराजाइँटुँ, लावा कसिक किनु बटाइँटुँ सहरसे । बुडि बुडुनके, खोब सम्भना सटाइँटुँ, यहाँ केउ नै मिलँटुँ कवाइँटुँ सहरसे । घनि टिना, घनि सिढा कबु तेल फेन, नोन खाके जिन्गी चलाइँटुँ सहरसे । सहरमे खरियाँ, फुलौरी खैनास लागठ, खवासक फारे मुह रसाइँटुँ सहरसे । धनगढी, कैलाली
गजलमखन थारु सिँगार भरल जवानी नुकाके काकबो । चुल्बुल्हा लस्गर बानी नुकाके काकबो । टोहारँ ओ मोर बारेम पटे बा सबजहन, मैयाँ भरल प्रेमकहानी नुकाके काकबो । दिल टोहारँ नाउंमै नामसारी कैसेक्ले रहूँ, कलौं जिन्गीसे मनमानी नुकाके काकबो । छोलौं साठ पकलौं डोसरके हाँठ डुर गैलो, मैयाँके पुरान राहदानी नुकाके काकबो । बिना बडरिक बरखा लागल बा इ जिन्गिम, रसाइल आँखीम पानी नुकाके काकबो । कैलाली	गजलअंकर अन्जान सहयात्री जेकर जाँगर नाइहो कमाहीफँ नाइहो । सौंचलेहो ओकर घरेम छाँहीफँ नाइहो । जौन घरेम डेउरान-जेठान मिलके रहँटै, उ घरेम भग्नाराइँ कोल्काहीफँ नाइहो । जे बाबुक इज्जत लुटके गन्नम फँकडेहल, उ डैन्टुँवै अभिन कुछु कारवाहीफँ नाइहो । लगैना टो चुष्टिक पस्ना घुडी पुगाके लगैनु, मने इ साल धानगोहूँ मस्री लाहीफँ नाइहो । पकैना मनै मेरमेराइँक बर्तनमे खाना पकैँटै, अपनठँ चुल्हाचौकीसंगे कराहीफँ नाइहो । कैलाली

अत्यावश्यक सामग्री अभाव नैहुइना



काठमाडौं, १७ भदौ । रसुवाके भोटेकोशी नदीमे आइल विनाशकारी बाढपहिरोके कारण पृथ्वी राजमार्ग तथा रसुवागढी नाका अवरुद्ध होके काठमाडौं उपत्यकाके आपूर्ति शृंखला प्रभावित हुइल बा । मुख्य राजमार्ग बन्द होके हजारौं दुवानीके साधन रोकल ओरसे उपत्यकामे खाद्यान्न, तरकारी तथा दैनिक उपभोग्य सामग्रीके अभाव ओ मूल्यवृद्धि हुइ सेक्ना उच्च जोखिम बहल हो ।

पहिरोके कारण मुख्य मेरुदण्ड मानल पृथ्वी राजमार्गके मुग्लिङ-काठमाडौं सडकखण्ड ओ कुछ स्थानमे सहायक मार्ग बन्द होके खाद्यान्न बोकल भारी कन्टेनर ओ ग्यास बुलेट उपत्यके भित्रे सेकल नैहो । सामान अभाव हुइ सेक्ना डरसे उपभोक्तासे आवश्यकतासे ढेर खाद्यान्न भण्डारण करे लागलमे बजारमे कृत्रिम अभाव सिर्जना हुइ सेक्ना कटि सरकार सजग करैले बा ।

उद्योग, वाणिज्य तथा आपूर्ति मन्त्रालयके प्रवक्ता नेत्रप्रसाद सुवेदी बजारमे पर्याप्त मात्रामे खाद्यान्न मौज्जात रहल ओरसे तत्काल अत्यावश्यक वस्तु

अभाव नैहुइना बटैलै । उहाँ उपत्यकामे वैकल्पिक मार्गसे खाद्यवस्तु आपूर्ति करना व्यवस्था रहल ओरसे आमउपभोक्ताहे नैआत्तिन अपिलसमेत करलै । मन्त्रालयके अनुसार छोट सवारीसाधनमार्फत खाद्यान्न दुवानी करना टोखा-छहरे-नुवाकोट खण्ड तथा कान्ति राजपथ जैसिन वैकल्पिक सडक सञ्चालनमे नन्ना प्रयास करटि बा । मन्त्रालय सरकारी स्वामित्वके खाद्य व्यवस्था तथा व्यापार कम्पनी, साल्ट ट्रेडिङ कर्पोरसन ओ निजी क्षेत्रसँग कैके उपत्यकामे दुई/तीन महिनासम ठण्ण हुइलेसे फेन पुना मेरिक खाद्यवस्तु मौज्जात रहल जनैले बा ।

खाद्य कम्पनीके लाग प्रमुख कार्यकारी अधिकृत शर्मिला सुवेदी काठमाडौं उपत्यकामे चामल, दलहनलगायतके खाद्यवस्तु पर्याप्त मौज्जात रहल ओ वैकल्पिक डगरसे नन्ना फेन तयारी हुइतिरहल ओर अभाव हुइना अवस्था नैरहल जानकारी डेलै । उहाँक अनुसार कम्पनीके काठमाडौंस्थित थापाथली बिक्री केन्द्रमे तीन हजार मेट्रिक टन चामल, एक हजार दुई सय क्विन्टल दलहन ओ

करिब पाँच सय ढेर क्विन्टल चिनी मौज्जात रहल बा ।

साल्ट ट्रेडिङ कर्पोरसनके अनुसार सात महिनासम पुन आयोडिनयुक्त नुन, दुई महिना लगभगहे पुना चिनी ओ अन्य खाद्यवस्तु बा । सरकार वैकल्पिक मार्गसे नानल व्यवस्था करटिरहल ओरसे खाद्यवस्तु अभाव नैहुइना कर्पोरसनके सूचना अधिकारी कुमार राजभण्डारी जानकारी डेलै ।

उपभोक्ता अधिकारकर्मी प्रेमलाल महर्जन बाढपहिरोके मौका छोपके व्यवसायी बजारमे कृत्रिम अभाव सिर्जना करे सेक्ना हुइल ओरसे सरकार ओम्ने सचेत रहेपरना बटैलै । ओकर लाग बजार अनुगमनहे प्रभावकारी बनाइपरना बटैटि उहाँ उपभोक्ताहे ठगनसे जोगाइपरना आवश्यकता अँल्यइलै । बजार अनुगमनके जिम्मेवारी पाइल वाणिज्य, आपूर्ति तथा उपभोक्ता संरक्षण विभागसे बजारमे आपूर्ति शृंखलामे समस्या देखाके मूल्य हुइ सेक्ना हुइल ओरसे यम्ने केन्द्रित होके बजारके निगरानी करना काम हुइतिरहल जनाइल बा ।

बाढ प्रभावित क्षेत्रमे खाद्यान्न दुवानी खाद्य व्यवस्था तथा व्यापार कम्पनी बाढ प्रभावित क्षेत्रके नागरिकके तत्कालके राहतके अत्यावश्यक खाद्यवस्तु पठाइल जनैले बा । कम्पनीके निमित्त प्रमुख कार्यकारी अधिकृत शर्मिला (सुवेदी) आपूर्ति मन्त्रालयके निर्देशनपाछे बाढ प्रभावित क्षेत्रके नागरिकके तत्कालके राहतके लाग २१४ क्विन्टल चामल, ६१.५० क्विन्टल लाल मुसुरोके दाल, दुई हजार छ सय लिटर वनस्पति तेल ओ ८.५ क्विन्टल आयोडिनयुक्त नुन पठाइल जानकारी डेलै ।

रसुवा बाढमे...

आफन्तसे शव तथा तस्बिर हेरके पहिचान करे सेक्ना व्यवस्था मिलाइल प्रशासन जनैले बा ।

बाढपहिरोपाछे लडियामे पुहके आइल शव तथा शरीरके अंग टमान स्थानमे भेटलपाछे स्थानीय प्रशासनस पहिचान, डीएनए परीक्षण तथा सुरक्षित ओ सम्मानजनक व्यवस्थापनहे प्राथमिकतामे राखल जनैले बा ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षधात) तथा अन्य नशा सम्बन्धी रोगको उपचार
- छाती दुस्स्ने, पेट दुस्स्ने समस्याको उपचार
- ज्वरो आउने, टाउको दुस्स्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)

डा. सुमन चौधरी
MBBS, MD (KU)
NMC No. 15308
कन्सल्टेन्ट फिजिसियन

धनगढी
संजिवनी अस्पताल प्रा. लि.
९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

रसुवाके काल छलके लौटुइया कहटै-

‘मनै चिल्लाइल सुनलपाछे सुखभितर अन्धाधुन्ध डौरके बाँच्ची’

पहुरा समाचारदाता

धनगढी, १९ भदौ । कैलालीके भजनी नगरपालिका-१ गौनहियाके आकाश चौधरी ओ उहाँके बाबा लक्ष्मण रसुवा पुगल दुई महिना केह बितल रहे । पावर चाइना कम्पनीके रसुवा-३ सुखभितर उहाँहुनके काम रहे । उहे सुखमे गाउँक अन्य तीन जाने कार्यरत रहिट ।

रोजीरोटीके लाग सुखभितर काम करे गैल ओइनके काम अपनमे जोखिमपूर्ण रहे । पहाड फुटाके खोडल सुखभितर पानी चुहना करल ओरसे दलदल रहे । भदौ १० गते आकाशसहित अन्य चार काम कैना विहान ७ बजे सुखभितर पैठसेकल रहिट । दलदलमे गमबुट लगाके सरिया बाँध्न काम करटी रहल रहिट, ओइने । सुखभितर पाँच किलोमिटरके दूरीमे काम करटी रहल एक घण्टा नैबिल्टी भितरसे जोरसे हावा चलल । तूफान जस्टे ।

“१० से १५ मिनेटसम सुखभितर यैसिन हावा चलल मानी उ कौनो तूफान हो, मनै उरैना जैसिन । हावा चले रोकल लगते बाहेर ओर मनै जोरसे चिल्लाइल आवाज सुनगिल । हप्ते गमबुट निकारके सुखभितरसे अन्धाधुन्ध मुखओर डौरली”, आकाश कहलै, “सुखसे निकरके मुहानओ। चरहल निमेषमे जीवनमे कबु नैडेखल खतरनाक बाढ आपुगल । मनै बचाऊ बचाऊ चिल्लैटी रहिट । हेरहेरटी

आँखी आघे ढेर मनै पुहलै । बस, जेसीबी सक्कु पुहाके लैगिल ।”

बेलामे सुखभितरसे भग्ना सफल हुइलपाछे भोटकोशी लडियाके विध्वंसात्मक बाढसे बाँचके आकाशसहित गौनहियाके पाँच जाने घर लौटसेकल बटै । सुखभितरके पाँच किलोमिटर दलदलमे अन्धाधुन्ध डौरके ज्यान जोगैना सफल हुइल आकाश बटैलै । “मै सहित मोर गाउँक चार जाने भग्न सफल हुइली । हमारसंगे काम करटी रहल बर्दियाके एक जाने भागे नैसेकलै । बाढ घटेबेर करिब १० घण्टापाछे उहाँ सुखके दलदलमे घुस्करिया करटी बाँचके अइलै । शरीरमे एक ठो कपडा नैरहे । शरीरभर चोटचोट रहे । उहाँहि बोक्के हप्ता उप्पर ओर लैगिली ।”

आकाशके अनुसार जेहोर टेहोर बचाऊ बचाऊ चिल्लाइल केल्ह सुन्जाए । ढेर मनै आँखी आघेसे पुहल स्मरण करटी उहाँ कहटै “मुस्किलसे अपने जोगल बाढसे औरहे बचाई नैसेकिल । मै समुदमे मच्छी मर्ना कामफे करले बटु । मने, यैसिन डरलगटीक बाढ कबु डेखल नैरहु ।”

आकाशसंगे गौनहियाके रामस्वरूप, सन्तोष, प्रेम चौधरी भागके ज्यान जोगैना सफल हुइल रहिट । अपने जोगलसंगे आकाशहे बाबा लक्ष्मणके अवस्था का हुइल कना चिन्तासे पिरोलल रहे । उहाँके बाबाके

ड्युटी नैरहे । नाइट सिफ्टमे ड्युटी हुइल ओरसे लक्ष्मण सकारेसे कम्पनीमे गमबुट लेहे गैल रहिट ।

“टिसरा सुखमे हमार दुई सिफ्टमे काम हुए । मोर नाइट ड्युटी हुइल ओरसे ओइनके लाग नयाँ गमबुट लेहे कम्पनीके कार्यालयमे गैल रहिट”, लक्ष्मण कहलै, “उहाँसे लौटके पुलमे नंगी रहल बेला यैसिन बाढ डेखल की जीवनमे कबु कल्पना नैकरल ।”

पुलसे भागके करिब ५० मिटर उप्पर पहाड चिहुरटी की बाढसे पुल पुहाइल चौधरी बटैलै । उहाँ कहलै, “जौन कम्पनीमे पैठक निकरल रहिट, एकघचिम मनैसहित कम्पनीके सक्कु घर पुहाइल । ओकरपाछे महीहे यैसिन डर महसुस हुइल की कुछ सोंचे नैसेकल ।”

कुछ समय सुस्ताइलपाछे रुइटी छावा खोजे लागल चौधरी सुनैठै । उहोर, आकाशके रुइटी बाबा खोजे लागल रहिट । बाढसे क्षणभरमे ध्वस्त पारल ठाउसे निकरके अलग अलग डाँडामे ओट लागल बाबाछावाके उ दिन भेट हुई नैसेकल । चौधरी कहटै, “उहोर छावासे बाबाहे पुहाइल की कहिके रुइटी रहिट, यहोर मै छावाहे पुहाइल की कहिके रुइटी रहे । लत्ताकपडा, रुपयाँ पैसा, मोबाइल सक्कु पुहगल । दुसरा दिन छावासहित गाउँक सक्कुनहे सुरक्षित भेटलपाछे यैसिन खुशी लागल की मै वर्णन करे

नैसेकल ।”

विध्वंसात्मक बाढसे बाँचल ओइनेहुके विपत्के बिच अन्धकारमे कठिन रात गुजारल रहिट । विहान सरकारसे हेलिकोप्टरमार्फत पाँचु जानेक उद्धार करल रहे । रसुवासे काठमाण्डौ हुइटी ओइनेहे भदौ १६ गते घर लौटल बटै । अपने घर लौटलेसेफे उहे कम्पनीके सुखभितर भन्डे १० से १५ किलोमिटर भितर काम करटी रहल कैलालीके टीकापुर ओ बर्दियाके कामदारहे सम्भके मन अमिल हुइटी रहल आकाश बटैठै । उहाँ कहटै, “पाँच किलोमिटर भितर रहल हप्ते मुस्किलसे जोगली । ओइने अभिन भितरे रहिट । का हुइल हुई, कुछ अत्तोपत्तो नहो ।”

गौनहियाके स्वरूप चौधरीके कहाईमे भोटकोशीमे आइल उ बाढ, बाढसेफे काल रहे । घर लौटलपाछे रुइटी उहाँ कहलै, “स्थानीयसे भारी बाढ नैआइठ कहल ओरसे दुक्क रही । मने, यैसिन काल बनके आइल की मै ओकर वर्णन करे नैसेकल ।”

भाग्यसे बाँचल यी मजदुरसे दुसर दिन परिवारहे सम्पर्क करके अपनेहुके सकशल रहल जानकारी डेहल रहिट । मृत्यु छलके लौटलपाछे घर पुगल लक्ष्मण कहलै, “अब यैसिन ठाउमे काम करे कब नैजाब ।”

गोदावरी कांग्रेससे बाढपहिरोक लाग १ लाख १ हजार १११ रुपया सहयोग

पहुरा समाचारदाता

धनगढी, १९ भदौ । नेपाली कांग्रेस गोदावरी नगर कार्यसमितिसे प्रधानमन्त्री देवी प्रकोप उद्धार ओ राहत कोषमे १ लाख १ हजार १ सय ११ रुपयाँ सहयोग करल बा ।

गोदावरी नगर कांग्रेसके नेता ओ कार्यकर्ताहुनसे अपन-अपन इच्छाअनुसार रकम संकलन करके उक्त सहयोग रकम प्रधानमन्त्री राहत कोषमे जम्मा करल हो । संकलित रकम गोदावरी नगर समितिके कार्यालय अत्तरियामे एक कार्यक्रमबीच जम्मा करल हो ।

राहत सहयोग घोषणा कार्यक्रममे नेपाली कांग्रेस कैलाली क्षेत्र नम्बर ४

के क्षेत्रीय सभापति ललित रोकाया, गोदावरी नगर सभापति वीरबहादुर चोखाल लगायत पार्टीके नेता ओ कार्यकर्ताहुनके उपस्थिति रहल रहे । गोदावरी कांगेससे कुछसे सञ्चालन करटी आइलके ‘जेकरके कोइ नै हो, उहाँके नेपाली कांग्रेस बा’ अभियानअन्तर्गत नै उ सहयोग करल नै करना सचिव योगेश भट्ट जानकारी देलै ।

भट्टके अनुसार नेपाली कांग्रेस केके निर्देशन बमोजिम विपद्के समयमा पीडित नागरिकहे सहयोग कैना उद्देश्यसे पार्टीके नेता ओ कार्यकर्ताहे स्वेच्छिक रूपमे रकम संकलन करके राहत कोषमे जम्मा करल हो ।

बाढके कारण प्रभावित १३ हजारसे ढेरके उद्धार

काठमाडौं, १९ भदौ । रसुवाके भोटकोशीमे आइल बाढके कारण प्रभावित १३ हजारसे ढेरके उद्धार करल बा । राष्ट्रिय विपद् जोखिम न्यूनीकरण तथा व्यवस्थापन प्राधिकरणके अनुसार शुकके रोजसम १३ हजार ९३ जानेक उद्धार करल हो ।

प्राधिकरणके अनुसार हालसम एक हजार २८७ जानेक शव सङ्कलन

करल बा कलेसे पाँच हजार ८३ अभिन सम्पर्कविहीन बटै ।

हाल टमान अस्पतालमे पाँच हजार ३९७ जानेक उपचार हुइटी रहल बा । हाल नुवाकोट, धादिङ ओ रसुवाके होल्डिङ सेन्टरमे चार हजार ५२१ जाने राखल बा । प्रभावित क्षेत्रमे २१ हजार ४२१ जाने सुरक्षार्मी परिचालन करल बा ।

दुना-टपरी व्यवसायसे बदलटि महिलाके जीवन

घोराही, १९ भदौ । दाङके घोराही उपमहानगरपालिका-१६ रातामाटा टोलके महिलासे दुना-टपरी उद्योग सञ्चालन कैके आम्दानी करटि आइल बटै । सालके पातसे दुना-टपरी बनाके महिनामे १३ हजार रुपियाँसम आम्दानी करटि आइल बटै ।

घरके काम ओराके फुसंदके समयमे सदुपयोग करटि दुना-टपरी उद्योग सञ्चालन करल महिलाके लाग अब्बे घरव्यवहार चलैना भरपरना माध्यम बनल बा । छोट उमेरसे घरमे दुना-टपरी बनैना काम करटि आइल रातामाटा टोल निवासी शान्ति चौधरी उद्योगसे महिनामे १० से १२ हजारसम कम्पना करल बटैठै ।

फुसंदके समयमे उद्योगमे आके दुना-टपरी बनैनासे लेके सालके पात टुरना जंगलसमेत जैना करल उहाँके कहाइ बा ।

दुना-टपरीसे बजारमे माग पाइलपाछे चौधरी गाउँके अपनजस्टे महिलाहे जुटाके २०६९ सालमे १८ जाने महिलाके समूहसे ‘सहारा दुना-टपरी लघु उद्योग’ स्थापना करल बटैलै । १२ वर्षयहोर निरन्तर रूपमे दुना-टपरी बनैना काम करटि आइल

चौधरीसे दुना-टपरी बिक्री कैके घर खर्च चलैना बटैलै ।

उहाँक अनुसार हात दुना-टपरी बनैना दक्ष हुइलेसे फेन मेसिनसे उत्पादन करना प्रविधि पटा नैहोके सुरुमे कपिलवस्तुसे दक्ष जनशक्तिसे तालिम लेले रहै ।

‘प्लास्टिकके दुना-टपरीसे सालके पातके दुना-टपरी वातावरणके लाग उपयुक्त रहठ’, उहाँ कलै, ‘ओकर लाग स्थानीय सरकारसे सहयोग कैडेना महिलाके लाग सहज हुइना रहे ।’

समूह सदस्य चम्पा चौधरीके अनुसार उद्योग खुलल ओरसे घर खर्च टर्न बजारमे जाके ज्यालादारी काम करेपरना बाध्यता रहे । मने अब्बे ज्याला मजदुरी करेक लाग जाइपरना बाध्यता हटल बा । दुना-टपरीसे हुइल आम्दानीसे घर व्यवहार चलैना पुगल उहाँ बटैलै । लघु उद्योगमे उत्पादित दुना साइजअनुसार एक रुपियाँ पचास पैसासे टपरी पाँच रुपियाँसममे बिक्री हुइना करल बा ।

उहाँक अनुसार उद्योगसे उत्पादन हुइल दुना-टपरी बेचन बजारसम धाइपरना बाध्यतासमेत नैहो । घरसे अधिकांश समयमे दुना टपरी बिक्री

हुइना करल बा । उहाँके अनुसार घोराहीसंगे नारायणपुर ओ तुलसीपुरसम उत्पादन हुइल दुना-टपरी बिक्री हुइना करल बा ।

विगतके तुलनामे टमान ठाउँमे उद्योग सञ्चालन होके कुछ व्यापार घटल बटैलै । दैनिक तीनसे चार हजारसम दुना-टपरी उत्पादन करना समूहसे महिनामे एक लाख ४० समके बिक्री करल बा ।

लघु उद्योग विकास संस्थाके सहयोगमे उद्योग सञ्चालन करटि आइल चौधरी पाछेक समय प्रशिक्षकसमेत बनल बटि । उद्योगमे कामसंगे दाङके टमान ठाउँसंगे सल्यान, रोल्पालगायतके जिल्लासम दुना-टपरी बनैना तालिम सिखाइ जैना करल बटैलै ।

दुना टपरी उद्योगसे हुइल आम्दानीसे घर व्यवहार चलाइ पुन करल कटि अध्यक्ष चौधरी कलै, ‘गाउँमे रहल बाघखोर सामुदायिक वन उपभोक्ता समूहके कार्यसमिति सदस्य रहल नातासे दिदीबहिनी मिलके लघु उद्योग स्थापना करले रहि । हाल तीन मेसिन ढैके दुना-टपरी बनैटि बटि ।’

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन नं. ०९१४१०१०५, सुजित मो. ९८५८४३९१२, सुनिल मो. ९८६७७९३५२१, महेश मो. ९८१३१३१०२९

सार्वजनिक यातायातको मर्यादित प्रयोग गरौं

- ❖ सार्वजनिक यातायातका साधनको जिम्मेवारीपूर्वक प्रयोग गरौं,
- ❖ सवारी चढ्ने र ओर्लने क्रममा सडक अनुशासन र पालोको पालना गरौं,
- ❖ ज्येष्ठ नागरिक, गर्भवती महिला, अपाङ्गता भएका व्यक्ति तथा बालबालिकालाई प्राथमिकता दिऔं,
- ❖ सार्वजनिक यातायातमा धूम्रपान गर्ने, फोहोर फाल्ने तथा होहल्ला गर्ने कार्य नगरौं,
- ❖ चालक तथा सहचालकसँग सभ्य र सम्मानजनक व्यवहार गरौं,
- ❖ चालक तथा सहचालकले यात्रुसँग सभ्य र सम्मानजनक व्यवहार गरौं,
- ❖ सवारी साधनको क्षमता भन्दा बढी यात्रु नचढौं/नचढाऔं,
- ❖ ट्राफिक नियमको पालना गरी सुरक्षित यात्रामा सहयोग गरौं,
- ❖ सार्वजनिक सम्पत्तिको संरक्षण गर्दै स्वच्छ र सुरक्षित यात्रा संस्कृतिको विकास गरौं ।

अनुशासित यात्रा गरौं, सुरक्षित गन्तव्यमा पुगौं ।



नेपाल सरकार
विज्ञापन बोर्ड

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि
Provide Health Related Services

सेवाहरू :

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजी रोग
- ❑ TB, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत
MBBS, MD (TJ), Internal Medicine
Senior Consultant Physician
NMC NO. 20304
➤ आउने समय : प्रत्येक दिन (२४ घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन । २) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) न्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठगुठी आउने, शरिरका विभिन्न भागमा गाँठगुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाड/जोर्नी तथा नशा सम्बन्धी सेवा (हाटखुट्टा बाङ्गो, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेशिनबाट हड्डीको अपरेसन)छाती, मुटु, कलेजी तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पनु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अपरेसन आदि सेवा ।

कैलाली अस्पताल प्रा.लि



जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-४२४५४४, ४२४६४४, ४२९२४९